

Aussi a t'il obtenu par de si puissant mediateurs ce qu'il a demandé avec tant d'instance puis qu'il a eu le bonheur de mourir coe l'apostre des Indes dans vne mechante cabane sur le riuage du lac Ilinois, abandonné de tout le monde.

Nous aurions bien de choses a dire des rares vertus de ce genereux missionnaire de son Zelle qui luy a fait porter la foy si loing et anoncer l'euangille a tant de peuples qui nous estoient inconnus; de sa douceur qui le rendit aymable a tout le monde, et qui le faisoit tout a tous, francois avec les francois, huron avec les hurons algonquin avec les algonquins; de sa Candeur d'enfant po<sup>9</sup> se descourir a ses sup<sup>rs</sup> et mesme a toute sorte de perssonnes avec vne jngenuité qui gaignoit tous les Cœurs; de sa Chasteté angelique; de son vnion avec Dieu continuelle.

Mais celle qui a Coe predominé, estoit vne deuotion tout a fait rare, et singuliere a la s<sup>te</sup> vierge en particulierement enuers le mistere de son immaculée conception. Il y auoit plaisir de l'entendre parler ou prescher sur cette matiere toutes ses conuerssations et ses lettres auoient quelq<sup>9</sup> chose de la s<sup>te</sup>. vierge Immaculée, c'est ainssi qu'il la nommoit tousjours, Il a Jeuné depuis l'age de 9 ans tous les samedis, et des sa plus tendre Jeunesse, il a Commencée a dire le petit office de la Conception, Inspirant cette deuotion a tout le monde quelques mois auant sa mort il disoit tous les Jours avec ses deux ho<sup>es</sup>. vne petite couronne de l'immaculée conception qu'il auoit inuentée de cette sorte; Apres le Credo on dit vne fois le pater et l'aué, et puis 4 fois ces parolles, aué filia dei patris aué mater filij dei, aué sponsa spiritus sancti aue templum totius trinitatis, per sanctam